



Il vitg cristian da Maaloula.

FOTOS MAD

Situaziun difficila pils cristians en Siria

L'Ovra caritativa catolica «Kirche in Not» segida fetg

DA LUCIA WICKI-RENSCH, LUCERNA/TRUN

■ Sin miu viadi da quest atun en Siria – naven dalla planira Bekaa el Libanon viers Damascus – han ins viu ina tiara prest totalmein destruida. Era ella capitala dalla Siria, a Damascus, ei stau da veser il medem maletg da destrucziun. Ils quaters cristians ein vegni destrui da granatas. La miseria humanitara ei gronda. Pli che la mesadad dalla populaziun ha stuiu bandunar lur casas e la patria ed ir egl'exteriur. E quei secuntinue-scha. Tenor indicaziuns dalla UNHC (organisaziun pils fugitivs) han 5,7 milliuns gia stuiu bandunar la Siria e sis milliuns secattan aunc adina silla fuigia enteifer la tiara. Las sancziuns economicas sco era carischia ed inflaziun tuocan fermamein ils habitonts da quella tiara.

Situaziun precara pils cristians

Ils cristians dalla Siria secattan en ina situaziun difficila. Dapi che l'uiara ei rutta ora 2011 han varga 500'000 cristians bandunau la tiara ni ch'els han cattau in refugi ellas tiaras vischinas. Ad enzacons eisi reussiu da contonscher l'Europa ni ils

Stadis Uni. Quels cristians, che vivan en territoris controllai dalla regenza da Baschar al-Asad, san praticar libramein lur religiun. Leu denton, perche la regenza ha negin'influenza, ei stuiu buca muslims fetg periclitai. El nord dalla Siria ei la situaziun vegnida aunc mendra per els suenter ch'ils Americans han bandunau la tiara ed ils Tercs ein penetrai.

A Damascus, il lieu della conversiun da s: Paul, han ins viu co ils cristians apprezzieschan ils logs sogns ella tgina dil cristianissem. Ils cristians ein scolai bein. Els contribueschan era fetg alla reconstrucziun dalla tiara. Lur bunaveglia vegn schazegiada grondamein ed els speran che tras lur preschientscha mieri il cristianissem buc ora en Siria – sco quei ch'igl'ei stau il cass en biaras regiuns digl'Irac.

Tuccai fetg da violenza ed uiara

La «primavera arabica» ha purtau en quella regiun violenza ed uiara. L'Ovra d'agid catolica «Kirche in Not» ei sin quei s'engaschada en quei territori. Dapi 2011 ha ella susteniu la Siria cun varga 850 projects egl'importo da 42 milliuns

francs. Aschia ein ins vegnius en agid als cristians da quella tiara che survegnan in-summa negin auter sustegn.

En Siria dat ei ina roscha confessiuns cristianas. La baselgia greca-ortodoxa e la sirica-ortodoxa ein las pli grondas cuminonzas cristianas. Presentas ein denton era la baselgia catolica melchitica-greca, ils Maronits, ils Chaldès, la baselgia catolica-sirica, aunc autras cuminonzas di denominaziuns cristianas e la baselgia catolica. «Kirche in Not» collaborescha cun tuttas.

La speranza che l'uiara en Siria mondi a fin suenter otg onns e ch'ei detti ina sligiazion pascheivla ei pintga. Sch'ins vesa denton co ils cristians vegnan a frida cun grondas difficultads ella veta da mintgadi vegnan ins alla conclusiun che la veta ei bia pli ferma che la mort e ch'ei dat, malgrad tuttas difficultads, adina puspei segns positivs ed encuraschonts.

Segidar e dar speranza

«Kirche in Not» ha gidau ad ereger ina punt da solidaritad denter la Svizra e la Siria e vegn era a dar vinavon sustegn finanziel. Il Proxim Orient e l'entira Siria

ein ina biala regiun. Cheu ha il cristianissem entschiet e la cuntrada ei culturalmeins da gronda fascinaziun. Cun quei ch'jeu vegnel sco Romontscha dad ina minoritad hai jeu cor ed eglis aviarts per minoranzas, quei ch'ils cristians ein era el Proxim Orient. Solidaritad ei per mei ina

gronda vertid. Schè nus segidein specialmein cun ils cristians el P. Orient vegnan quels loghens dalla dil cristianissem extirpai. Cun su da cuminonza gidein nus a mitigar seria da numerus cristians en pitg Proxim Orient e specialmein en Si

Regalau cordas da paternos

Lucia Wicki-Rensch, oriunda da Trun, ei incaricada per l'informaziun dall'Ovra d'agid catolica «Kirche in Not» en Svizra cun sedia a Lucerna. Adina puspei viseta ella era las tiaras nua che quell'ovra d'agid ei engaschada cun projects e sustegn finanzielmeins lur realisaziun. Era en Svizra accumulogna ella regularmeins representants da quellas tiaras – il bia eisi uestgs e spirituals – che vegnan sin viseta tier nus ed informeschan en pleivs davart la situaziun en lur tiaras. Quei ei colligiau mingamai cun in survetsch divin ed ina collecta. Era en pleivs romontschas ein tals representants dalla baselgia stai diversas gadas.

La fin da settember d'uonn ei cki-Rensch stada en Siria ed ha vis divers loghens da quella tiara, sus dall'Ovra d'agid «Kirche in Not» 15 d'uost d'uonn, la fiasta dalla sumziun da Nossadunna, ha i *Francstg* giu benediu 6000 cordas paternos per famiglias sirianas chi piars in ni plirs commembers ell'u. Ual in meins suenter, ils 15 da settember, ha ina delegaziun da «Kirche in Not» ord Svizra regalau a Homs eria las cordas da paternos bened che vegnidas repartgidas durant messa festiva. Era Wicki-Rensch ha operau.



Quatier dil marcau da Homs en Siria, destruius durant l'uiara.

